

Premios Juana de Vega de



Escola Galega da Paisaxe
Juana de Vega

Intervencións na Paisaxe

BASES

MOTIVACIÓN

O Premio Juana de Vega de intervencións na paisaxe xorde do convencemento de que a paisaxe é un elemento fundamental do patrimonio de calquera sociedade humana por incidir directamente no seu benestar físico e social e por ser un recurso socio-económico de enorme potencial. Para poñer en valor e mellorar a calidade paisaxística do territorio, a Escola Galega da Paisaxe Juana de Vega, convoca este premio con arranxo ao seguinte:

OBXECTO

O Premio é un recoñecemento a aquelas intervencións no patrimonio natural e construído que contribúan a mellorar a calidade dos elementos que configuran a paisaxe de Galicia e sirvan de referencia social para futuras intervencións no mesmo.

CATEGORÍAS

A) Intervencións en espazos exteriores

Recoñecemento a aquelas intervencións realizadas en espazos exteriores.

B) Intervencións privadas no patrimonio construído e na súa contorna.

Recoñecemento a aquelas intervencións destinadas a recuperar o patrimonio construído e a posta en valor da súa contorna.

C) Vivendas unifamiliares

Recoñecemento á mellor vivenda unifamiliar, tanto de nova planta como de rehabilitación, que poida influír favorablemente nos tipos de vivenda que se constrúen en Galicia.

VALORACIÓN

Dentro da súa liberdade para tomar decisións, o xurado deberá valorar os seguintes aspectos nos proxectos presentados ao premio:

Categoría A)

- Calidade da intervención e a súa contribución á mellora da paisaxe.
- Incorporación de criterios de sostibilidade.
- Adecuación da intervención realizada aos usos previstos.
- Economía no uso dos materiais.

Categoría B)

- Posta en valor dos elementos construídos.
- Integración na contorna.
- Incorporación de criterios de sostibilidade.
- Economía no uso dos materiais.

Categoría C)

- A capacidade da obra de converterse nunha referencia social que poida influír favorablemente nos tipos de vivenda que se constrúen en Galicia.
- A economía no uso dos materiais e a súa dispoñibilidade na área na que se circunscribe o premio.
- A integración da vivenda na súa contorna.
- Incorporación de criterios de sostibilidade.

PERIODICIDADE

O premio convocarase anualmente durante o primeiro cuadrimestre do ano, dedicando cada anualidade a unha das tres categorías de premio establecidas.

Na convocatoria estableceranse os prazos de presentación de candidaturas, que deberán estar constituídas, para as categorías B) e C), por intervencións que fosen rematadas dentro dos tres anos naturais anteriores a aquel en que se realiza a convocatoria. Este prazo será de cinco anos, para as intervencións que se presenten á categoría A).

CANDIDATOS

En función da categoría poden ser candidatos ao premio:

Categoría A) Autor/es do proxecto ou da intervención, cuxo promotor sexa unha persoa física ou xurídica de natureza pública ou privada.

Categoría B) Autor/es do proxecto ou da intervención, cuxo promotor sexa unha persoa física ou xurídica de natureza privada.

Categoría C) Autor/es do proxecto.

As candidaturas poden ser presentadas polo autor/es ou por un terceiro, incluídas asociacións ou outras entidades que teñan coñecemento de intervencións que ao seu xuízo, poidan ser merecedoras dos premios.

O xurado poderá premiar proxectos que non se presentasen á convocatoria se os consideran merecedores do mesmo.

DOTACIÓN

As tres categorías do Premio, terán unha dotación económica de 6.000,00 € cada unha delas. Ademais, os premiados recibirán un diploma acreditativo.

Para as tres categorías, e a criterio do xurado, poderán concederse dous accésits, dotados cada un deles cun diploma e unha cantidade económica de 1.500,00 €.

Os promotores das intervencións galardoadas co premio e os accésits, recibirán unha placa acreditativa.

Os traballos premiados serán difundidos a través da web da Fundación, redes sociais, prensa xeral e medios especializados.

XURADO

O xurado, para cada categoría, estará formado por:

Categorías A) e B)

Seis persoas de diferentes ámbitos profesionais relacionados coas intervencións na paisaxe e o territorio, coa estética ou a arte e a cultura. Ademais, formarán parte do xurado, como mínimo un membro do padroado da Fundación Juana de Vega e o director/a da Escola Galega da Paisaxe Juana de Vega, que actuará como secretario/a. A Fundación Juana de Vega, de entre os membros do xurado, nomeará ao presidente do mesmo.

Categoría C)

Dous arquitectos de prestixio nomeados pola Fundación, o decano/a do COAG, o director/a da ETSA da Coruña, dous representantes do mundo da cultura, como mínimo un membro do padroado da Fundación Juana de Vega e o director/a da Escola Galega da Paisaxe Juana de Vega, que actuará de secretario/a. A Fundación, de entre os membros do xurado, nomeará ao presidente do mesmo.

INCOMPATIBILIDADE

Non poderán optar ao premio os membros do xurado e os seus asociados ou colaboradores de calquera tipo, os empregados da Fundación Juana de Vega, así como os familiares dos mesmos, calquera que sexa o grao de parentesco.

DOCUMENTACIÓN

As propostas, para cada categoría do premio, deberán acompañarse da seguinte documentación común a todas as categorías:

- a) Nome do autor ou autores do proxecto ou da intervención e do promotor.
- b) Certificación asinada polos autores na que se dea fe do remate da obra dentro do prazo establecido no apartado periodicidade, así como a data de visado e o número de expediente colexial, acompañado do certificado final de obra, no caso de que polo tipo de intervención, se requira visado colexial.
- c) Declaración Xurada do autor ou autores sobre os datos económicos obxecto do proxecto ou da intervención, na que se indicará o orzamento total de execución da intervención rematada

e metros cadrados obxecto da mesma, ou no caso das categorías B e C do Premio, os metros cadrados construídos totais.

- d) Declaración xurada do autor ou autores na que se dea fe de non incumprir ningún suposto de incompatibilidades sinaladas no apartado de incompatibilidade.
- e) Fotografías e planos do estado previo ao inicio das obras e do estado final das mesmas.
- f) Plano de situación da intervención que permita a súa localización.

Ademais da anterior documentación xeral, para o caso das categorías A) e B) do Premio, deberase presentar a seguinte documentación específica:

Breve memoria descritiva da intervención en formato DIN A3 en horizontal, a unha soa cara, na que xustificarán os materiais empregados e os demais valores estimados a xuízo do autor/es. Esta memoria acompañarase de planos de situación e representativos da intervención realizada, no mesmo formato DIN A3.

Para o caso da Categoría C, deberase presentar a seguinte documentación específica:

1. Breve memoria descritiva do traballo presentado, en formato horizontal DIN A3 con xustificación dos materiais empregados e dos demais valores estimados a xuízo do autor/es.
2. Planos representativos das intervencións realizadas, que segundo o caso, poderán ser:
 - Plantas completas.
 - Alzados completos.
 - Seccións.
 - Detalles construtivos.
 - Calquera outro plano representativo da intervención realizada.

Toda a documentación deberá presentarse en soporte papel co formato e as dimensións indicadas nos apartados anteriores ademais de en soporte dixital en arquivo PDF e as fotografías deberán ter unha resolución mínima de 300PPP en formato JPG.

A documentación achegada quedará en propiedade da Fundación Juana de Vega. Igualmente, todo o material gráfico e fotografías estarán libres de dereitos de autor e os concursantes galardoados co Premio ou cun accésit, autorizan expresamente á Fundación Juana de Vega, polo feito de presentar a súa candidatura, a utilizar a documentación gráfica para a edición de publicacións en soporte papel ou en dixital, co obxectivo de difundir os resultados das diferentes convocatorias.

FALLO DO XURADO

O xurado, á vista da documentación presentada, poderá realizar unha selección previa daquelas intervencións ou obras que considere reúnen condicións suficientes para optar ao premio, e realizar unha posterior visita ás mesmas. Os premios e os accésits poderán quedar desertos se as propostas presentadas non se consideran axustadas aos obxectivos do mesmo.

Unha vez analizadas todas as propostas, as decisións do xurado adoptaranse por maioría simple, sen voto de calidade. As decisións do xurado así adoptadas serán inapelables.

O fallo do xurado farase público a través da páxina web da Fundación Juana de Vega e noutros medios. Igualmente, os autores premiados recibirán unha comunicación por escrito na que se lles dará conta da resolución do Xurado.

A entrega do premio realizarase nun acto público que terá lugar na sede da Fundación Juana de Vega, no último cuadrimestre de cada ano.

ACEPTACIÓN DAS BASES

A simple presentación de propostas para optar ao premio, implica o coñecemento e a plena aceptación das bases da convocatoria.

SEDE

Fundación Juana de Vega
Rúa Salvador Allende, 92, 15176, San Pedro de Nós – Oleiros (A Coruña)
Tel. +34 981 654 637 Fax.: +34 981 652 095
e-mail.: info@juanadevega.org
web: www.juanadevega.org